

O UO I LE TOLAUAPIGA

I le taimi muamua, sa lagona e Edison lona le taliaina.

Saunia e Haley Yancey
(E faavae i se tala moni)

Sa kiki e Edison le palapala. O isi tamaiti sa talanoa ma faatutu fale'ie. Ae sa le masani o ia i se tasi.

Sa le toe o i le lotu le aiga o Edison i sina taimi ina ua latou siitia atu i Sepania. Ae na o mai tamaiti o le uarota ma valaaulia o ia e sau i le malaga tolauapi. Sa foliga manaia le tolauapiga, ae o lea ua le matinoa e Edison na te manao e i ai iinei. Sa ia lagona lona le taliaina.

E toalua tama, o Diego ma Juan, na savavali atu ia Edison. "E te manao e nonofo faatasi i le ma fale'ie?" Sa fesili atu ai Diego.

Sa manava i fafo Edison ma ataata. "Ioe."

"Manaia," o le tala lea a Juan. "Ona tatou o ai lea tatou 'au'au."

Na faatu e tama lo latou faleie ona tamomoe ai lea i le vaitafe. Sa malulu le vai, ae sa matua fiafia Edison na te tau le'i iloina. Ina ua uma le 'aiga o le aoauli, sa o atu tama ma o latou taitai i se savaliga sopo. Sa latou toe foi mai ina ua amata ona goto le la, o lea sa latou fesoasoani ai e fai se afi o le tolauapiga.

"E faapei mai lou aiga?" Na fesili ai Juan.

Na faapa'u e Edison se faaputuga alala i tafatafa o le afi. "E agamalie o'u matua. Ma o lo'u tuafafine o la'u uo mamae. Na matou siitia mai Ecuador."

Sa tilotilo Diego ma Juan i le tasi ma le isi ma ni foliga ataata.

"Ma te o mai foi mai Ecuador!" Na fai mai ai Juan.

Na tatala e Diego lana ofu mafanafana e faali lona mitiafu. Na i ai le faailoga o le au soka a Ecuador i luga!

"Oka!" O le tala lea a Edison. "O le a la le mea e pito i sili ona e misia e uiga ia Ecuador?"

Na talie Diego ma Juan. "O meaai!" na la taufai-fee'i atu ai.

Na talanoa pea tama e uiga i mea na latou misia e uiga ia Ecuador ma mea latou te fiafia i ai i le nonofo ai i Sepania. Na fiafia Edison i le faigofie ona talanoa atu ia Diego ma Juan.

Ona tu ai lea i luga o se tasi o taitai, o Brother Cisneros. "Ei, tatou uma! Matou te mananao e faaiu le po i se sauniga molimau."

Sa taitasi ma tutulai tama ma taitai ma faasoa atu a latou molimau. O a latou upu na lagona ai i le lotu o Edison e pei ua 'au i se palanikeke mafanafana.

Na tu i luga Diego. "Ou te iloa e moni le Ekalesia. Ou te iloa o le Atua o lo'u Tama ma o Iesu Keriso o lo'u Faaola."

Na faatupulaia le malosi o le lagona mafanafana. *Ou te fia iloa foi lena mea*, o le manatu lea a Edison.

Ina ua taunuu Edison i le fale mai le malaga, sa tumau pea upu a Diego i lona mafaufau. Sa ia moo-moo maimau pe ana mafai ona alu i le lotu ma aao e uiga ia Iesu faatasi ma Diego ma Juan.

I lena po i le taumafataga o le afi, sa fesili ai Papa, "Na faapefea mai le malaga tolauapi?"

"Sa manaia tele!" O le tala lea a Edison. "Na matou auau ma savavali sopo ma fai se afi. Sa maua foi ni a'u uo se toalua e o mai foi mai Ecuador!"

"Lelei tele! E tatau ona tatou valaaulia i la'ua e omai i le tatou fale," o le tala lea a Mama.

Sa filemu Edison. "Mata e mafai ona tatou toe o i le lotu?"

E le'i fai mai se tala a Mama ma Papa mo sina taimi. Ona kilia lea e Mama o lona fad'i. "A e manao e te alu, e leai se mea e leaga ai," o lana tala lea. "Ae o ma'ua ma Papa o le a le o."

Sa faapa'u ifo Edison i lona nofoa. Sa le'i fia alu na'o ia i le lotu. Masalo e tatau ona ia nofo i le fale ma lona aiga.

Ona manatua ai lea e Edison o le lagona mafanafana mai le sauniga molimau. Tusa lava pe le fia o lona aiga i le lotu, sa fia alu Edison.

E le gata i lea, o le a le tuua na o ia. Sa ia ataata a o ai lana meaai. Ona ia pikiina lea o le telefoni. Sa ia iloina ni uo e mafai ona latou o faatasi i le lotu! ● O lenei tala sa tupu i Sepania.